

FAAFINTA

RASMIGA

الرسمية



الجريدة

DAWLAD PUNTLAND EE SOOMALIA
لولاية أرض بونت الصومال

Sanadka 18-aad. Garowe . 25 Agoosto 2016.

Lam.8

Faafinta bil walba soo baxda

جريدة الشهرية

Qaybt Faafinta Rasmiga ah ee Madaxtooyada Dawladda Puntland

Qiimuhu waa Sh.So 10,000 rukun walba . Sanadkii waa Sh.So 170,000 dalka gudhiisa, dalka dibaddiisa Sh.So 500,000 rukunka la waydiisto, waqtiga loo gooyay wuxuu ka bilawdaa 1-da January. Qiimaha qoritaan F.R halkii sadar iyo wixii ka yar waa Sh.So 3,000, rukunka iyo qoritaanka waxaa la waydiistaa qeybta maamulka Faafinta rasmiga ah. Lacagta waxaa lagu bixinayaa xafiiska canshuuraha barriga ee wasaaradda maaliyadda.

TUSMADA

Qaybta Koowaad

**Sharciga khidmadaha iyo Ujuurooyinka kalluumaysiga Badaha
puntland.**

Qaybta labaad

Xeer

Waxba ma leh

Qeybta Saddexaad

Talooyin, Isgaarsiin, Ogaysiis, Iidheh IWM.

Waxba ma leh

***Sharci Lr. 2. 25/8/2016, kuna saabsan Sharciga khidmadaha iyo
ujuurooyinka kalluumaysiga Badaha Puntland.***

DOWLADDA PUNTLAND
EE SOOMAALIYA



ولاية بونت لاند الصومالية

PUNTLAND STATE OF SOMALIA

Sharci Lr.2. ee 24 Agoost 2016, kuna saabsan sharciga khidmadaha
iyo ujuurooyinka kalluumaysiga Badaha puntland.

Madaxweynaha Dawladda Puntland

Markuu arkay: Dastuurka Dawladda Puntland qodobkiisa 80-aad;

Markuu arkay: Ansixinta Golaha Wakiilada Puntland ee Summad
XGGW/DPL/55/ 2016 ee 15/8/2016;

Markuu tixgeliyey: Muhiimadda xeerkani u leeyahay Dawladda Puntland.

Wuxuu soo saaray

Xeerkan soo socda:

Qodobka 1-aad

Golaha Wakiiladu waxay ansixiyeen Sharciga khidmada iyo
ujuurooyinka kalluumaysiga Badaha puntland;

Qodobka 2-aad

Nuqulada asalka ah (Original) waxaa lagu kala keydinayaa
Xafiiska Madaxweynaha, Xafiiska Xoghayaha Guud ee
Baarlamaanka iyo Xafiiska Garyaqaanka Guud ee DPL.

Qodobka 3-aad


Dhaqangalka Sharcigani wuxuu noqonayaa marka
Madaxweynuhu saxiixo, laguna soo saaro faafinta rasmiga ah ee
Dawladda Puntland.


Dr. Cabdiweli Maxamad Cali Gaas.
Madaxweynaha Dawladda Puntland

DAWLADDA PUNTLAND

EE SOOMAALIYA

GOLAHA WAKIILADA



ولاية بونت لاند الصومال

مجلس النواب

Xafiiska Guddoomiyaha

Office of the Speaker

Ref:- XGGW/DPL/ 55 /2016

Isniin, Garoowe

Date:- 15/08/2016

Ku:- Madaxweynaha DPL

Garoowe

Ujeeddo:- Ansixinta Xeerka Khidmadaha iyo Ujuurooyinka
Kalluumaysiga Badaha Puntland

Guddoomiyaha Golaha Wakiilladdu:-

MARKUU ARKAY:-

Dastuurka DPL Qodobadiisa 64-aad

MARKUU ARKAY:-

Soo gudbinta Madaxweynaha DPL
MW/DPS/016/2016 ee Jan 09-2016 kuna
saabsanayd Xeerka Khidmadaha iyo
ujuurooyinka kalluumaysiga Badaha
Puntland.

MARKUU TIXGELIYEEY:-

Baahida loo qabo Ansixinta Xeerka
Khidmadaha iyo ujuurooyinka kalluumaysiga
Badaha Puntland.

MARKUU DHEGAYSTAY:-

Doodii iyo Go'aankii Golaha Wakiilladu ku
Ansixiyey kalfadhiga 37-aad fadhiga 19-aad
7/08/2016. Xeerka Khidmadaha iyo
ujuurooyinka kalluumaysiga Badaha
Puntland.

WUXUU GUDDOOMIYEEY:-

Ansixinta Xeerka Khidmadaha iyo ujuurooyinka **kalluumaysiga**
Badaha Puntland.


Md. Axmed Cali Xaashi

Guddoomiyaha Golaha Wakiillada DPL



Tell:- +252 90 7799977

Email: haashi7999@gmail.com, parliamentspeaker@gmail.com, puntlandparliament@gmail.com



DAWLADDA PUNTLAND EE SOOMAALIYA
WASAARADDA KALLUUMAYSIGA IYO KHEYRAADKA BADDA

XEERKA KHIDMADAHA
IYO
UJUUROOYINKA
KALLUUMAYSIGA BADAHA
PUNTLAND

AUGUST / 2016
GAROWE

XEERKA KHIDMADAHA IYO UJUUROOYINKA KALLUUMAYSIGA

<u>Qaybaha</u>	<u>TUSMADA</u>	<u>Bogga</u>
ERAY BIXIN		2
QAYBTA KOWAAD		
1. Magaca Xeerka		2
QAYBTA LABAAD		4
KHIDMADAHA, UJUUROOYINKA IYO KORDHIN (CHARGES) KALE		4
2. Khidmado Shati		4
3. Kharashyo iyo Kordhin (charges) Kale		4
4. Ujuurooyin		4
QAYBTA SEDDEXAAD		5
SHATIYADA GAADIIDKA KALLUUMAYSIGA		5
5. Dakhliga Shatiyada		5
6. Codsiga Shatiyada Kalluumaysiga		5
7. Awoodda Bixinta Shatiyada Gaadiidka kalluumaysiga		5
8. Muddada ay Shatiyada Kalluumaysigu Ansaxa Yahiiin		5
9. Tirada Safarrada Kalluumaysi la Oggolaan Karo Muddada uu Shatigu Ansaxa Yahay		5
10. Wakiillada Gaadiidka Kalluumaysiga Qalaad iyo Kuwa la Wadaago		6
11. Ruqsadaha Gaadiidka Taakulaynta		6
QAYBTA AFRAAD		6
Qodobbo Guud		6
12. Shuruudaha Shatiyada Kalluumaysiga		6
13. Burinta Xeerkaa Hore ee Khidmadaha		6
14. Dhaqangalka Xeerka		2
JADWALLADA		8
JADWALKA KOWAAD		8
Foomka Codsiga Shatiyada Kalluumaysiga		8
JADWALKA LABAAD		11
Khidmadda Shatiga Gaadiidka Kalluumaysiga		11

QAYBTA KOOWAAD

Eray Bixinta

Haddii aan nuxurka macnahu uusan si ka duwan u sheegin, erayadaan waxaa loola jeeda sidatan:

“**Badaha Puntland**” waxaa loola jeedaa dhul badeedka (territorial sea), aagga ku xiga (contiguous zone), iyo aagga dhaqaalaha gaarka ah (exclusive economic zone) kuwaas oo ay Dowlada Puntland ee Soomaaliya ku leedahay awood ay ku maamusho kana kooban inta u dhexeysa **Gal-Hagoog** oo dhacda xeebta Badwaynta Hindiya koonfurna ka xigta Garacad iyo **Raasiga Soore** oo ku taal xeebta Gacanka Cadmeed, waqooyina kaga beegan Laas Qorey.

“**Buugga diiwaanka**” waxaa loola jeedaa diiwaan looga baahan yahay in uu saaran yahay gaadiidka haysta shati dushiisa, kaas oo lagu qoro dhammaan hawlaha kalluumaysi ee gaadiidkaas;

“**gaadiid la wadaago**” waxaa loola jeedaa gaadiid kasta oo kalluumaysi oo ay wadaagaan muwaadidiin Soomaali iyo ajaanib ah oo ay leedahay shirkad ka diiwaan gashan Dowladda Puntland oo saamiga shirkada 50% ugu yartaan leeyihiin dadka Soomaaliyeed;

“**gaadiid wadaniga ah**” waxaa loola jeeda gaadiid kasta oo kalluumaysi oo sita calanka Soomaaliya, gabi ahaanna ay leedahay Dowladda Puntland ee Soomaaliya ama cid (shirkad, jamciyad ama urur Soomaliyeed) laguna asaasay si waafaqsan sharciyadda u yaal Dawladda Puntland ee Soomaaliya, ama uu leeyahay qof ama dad ka badan oo ah mawaadiniinta Jamhuuriyada Fadaraalka Somaaliya;

“**Gaadiid qalaad**” waxaa loola jeeda gaadiid kasta oo ka diiwaan gashan wadan shisheeye si waafaqsan sharciyada wadankaas; aan ahaynna gaadiid la wadaago oo buuxiya shuruudaha kor lagu xusay;

“**guddiga farsamo ee shati bixinta**” waxaa loola jeedaa guddi farsamo oo uu Wasiirku ka magacaabayo saraakiisha iyo shaqaalaha wasaaradda, kuwaasoo farsmo ahaan uga talo siinaya hirgelinta xeerkan.

“**kala wareejin**” waxaa loola jeedaa ka dejinta dhammaan ama qayb kamid ah kalluun saaran gaadiid laguna wareejayo gaadiid kale oo ku sugan badda ama deked.

“kalluun warshadeeye” waxaa loola jeedaa gaadiid kasta oo leh awood uu ku habeeyo, ku keydiyo, kuna geeyo kalluunka deked loo cayimay;

“maamule” waxaa loola jeedaa qof kasta oo horjooge ah, hawl geliya, agaasima ama xukuma gaadiid, ayna ku jiraan milkiiluhu, ijaartuhu, naakhuuduhu ama wakiilku;

“Qaboojiye” waxaa loola jeedaa gaadiid soo galay badaha Puntland oo leh awood qaboojin, ujeeddadiisuna tahay qaadista kalluun qabowsan oo loo wado meelo waddanka dibbaddiisa ah;

“Muddada shatiga” waxaa loola jeedaa muddada uu ansax yahay shati lagu bixiyay si waafaqsan Xeerka Kalluumaysiga Dawladda Puntland ee Soomaaliya;

“Qalabka dabagalka gaadiidka” waxaa loola jeedaa qalab la shaqeeya dayax gacmeedka oo lagu dhejiyo gaadiidka shatiga la siiyo shatiga kasoo lagula socdo dhaqdhaqaaqiisa iyo hawl galkiisa kalluumaysiga;

“Safar kalluumaysi” waxaa loola jeeda waqtiga u dhaxeeya marka uu gaadiid kalluumaysi ka furto dekedda ilaa marka uu xeebta keeno ama gaadiid kale uu ku wareejo kalluunkii uu soo qabtay ilaa iyo intuu dekedda ka soo furtay;

“shati/ruqsad” waxaa loola jeedaa ogolaanshaha la siiyo qofka ka hor intuu san bilaabin shaqo kalluumaysi ama shaqo la xiriirta kalluumaysi;

“wakiil” waxaa loola jeedaa wakiil uu magacowday maamule gaadiid kalluumaysi ee qalaad ama la wadaago Wasaaraddana ka diiwaan gashan, kaas oo loo igmaday in uu matalo maamulaha, awoodna u leh sharciyan qaadashada mas’uuliyadaha isaga oo matalaya maamulahaas;

“Wasiir” waxaa loola jeedaa Wasiirka Wasaaradda Kalluumaysiga iyo Khayraadka Badda Dawlada Puntland ee Soomaaliya;

“Wasaarad” waxaa loola jeedaa Wasaarada Kalluumaysiga iyo Khayraadka Badda Dowlada Puntland ee Soomaaliya;

“wax soo saar” waxaa loola jeedaa kheyraad badeed kasta oo lagu qabto qalab kalluumaysi ee Xeerka kalluumaysiga Puntland oggol yahay.

Qodobka 1-aad
Magaca Xeerka

Xeerka Khidmadaha iyo Ujoorooyinka Kalluumaysiga badaha Puntland

QAYBTA LABAAD
KHIDMADAHA IYO UJUUROOYINKA

Qodobka . 2-aad
Khidmado shati

Waxaa jiraya khidmado la qaddimayo oo la xiriira:

b) shatiyada la siiyo gaadiidka kalluumaysiga maxaliga, kuwa la wadaago iyo kuwa qalaad sida ku qeexan jadwalka labaad ee Xeerkaan; khidmadahaan waxaa la qaadaa iyada oo la eegayo lahaanshaha, habka kalluumaysi iyo culayska (Gross Tonnage - GT) ama Mugga Khanka Kalluunka (fish hold capacity), hadba kii ku haboon).

t) Ruqsadaha la siiyo gaadiidka taakuleynta (support vessels), kuwa habeeya kalluunka (fish processing vessels), kuwa sahayda (supply vessels), qaboojiyayaasha (reefer carriers), iyo saxiimadaha qalaad (foreign skiffs) u kalluumeeya gaadiid qalaad ama kuwa la wadaago sida ku qeexan jadwadalka labaad ee Xeerkaan.

j) Codsiyada shatiyada kalluumaysiga

x) Diiwaan galinta wakiilada wadaniga ah ee gaadiidka qalaad iyo kuwa la wadaago.

Qodobka 3.aad

Kharashyo iyo Kordhin (Charges) Kale.

Waxaa jiraya kharashyo iyo Kordhin kale oo la qaddimayo sida ku qeexan Jadwalka Labaad lana xiriira:

b) Rahaamadda keenista Buuga Diiwaanka.

Qodobka 4-aad

Ujuurooyin

b) Marka laga reebo khidmadda shatiga, waxa jiri doona ujuurooyin la qaadayo oo ah 10% wadarta qiimaha beeca kowaad ee wax soo saarka kalluunka iyo qolofleyda ee gaadiidka qalaad iyo kuwa la wadaago ee haysta shatiyo kana hawl gala badaha Puntland, waxaana lagu jaangoynayaa qiimaha beeca kowaad ee sicirka suuqa ee markaas jira ee lagu daabaco *Globefish, InfoFish, InfoSamak*, iwm.

t) Guddiga Farsamo ee Shati Bixinta ayaa goynaya qiimaha beeca kowaad ee wax soo saarka iyaga oo ku jaangoynaya sicirka suuqa ee markaas jira ee lagu daabaco *Globefish InfoFish, InfoSamak*, iwm.

j) Ujuuro lagama qaadayo wax soo saarka ay soo qabtaan gaadiidka wadaniga ah lagana iibiyo cid kale.

x) Marka ay habboon tahay in la qaado ujuuro, maamulaha gaadiidku wuxuu dhigayaa rahaamad taas oo xisaab ahaan saldhig lagu salaynayo qaadka khanka kaluunka ee gaadiidkaas una dhiganta tankiiba US\$100.

kh) Wixii is waafajin ah ee ku saabsan farqiga u dhaxeeya rahaamaddii ujuuro ahaan horey looga qaddimay maamulaha iyo wax soo saarka dhabta ah ee gaadiidka, waxaa la samayn doonaa ka hor inta uusan gaadiidku ka bixin badaha Puntland ama marka ay dhammaato muddada shatigu ansax yahay, hadba kii soo hormara.

Qodobka 5-aad
Dakhliga Shatiyada iyo Ruqsadaha

b) Dhammaan khidmadaha, ujuurooyinka iyo Kordhinta kale ee waajibay waxaa lagu bixinayaa lacag adag oo sarrifkeedu caalami yahay sida uu dhigagayo Xeerka Kalluumaysiga Puntland qodobkiisa 9-aad.

t) Dhammaan ujuurooyinka, khidmadaha iyo kordhinta kale ee xeerkani waajibiyey waxa lagu qaadayaa nidaamka maaliyadeed ee dalka

QAYBTA SADDEXAAD
SHATIYADA IYO RUQSADAHGA GAADIIDKA KALLUUMAYSIGA

Qodobka 6-aad

Codsiga Shatiyada Kalluumaysiga

Codsiga shatiyada gaadiidka kalluumaysiga waxaa loogu soo gudbinayaa Wasaaradda qoraal ahaan, waana in ay ku jiraan macluumaadka lagu xusay Jadwalka Koowaad ee Xeerkan.

Qodobka 7-aad

Awoodda Bixinta Shatiyada Gaadiidka kalluumaysiga

b) Shatiyada kalluumaysiga ee gaadiidka la wadaago ama gaadiidka qalaad lagu bixiyay si waafaqsan Xeerka kalluumaysiga dawladda Puntland, waxaa kaliya oo bixin kara Wasiirka isagoo la kaashanaya madaxda Wasaaradda iyo Guddiga Farsamo ee Shati Bixinta.

t) Shatiyada kalluumaysi ee wadaniga ah ee lagu bixiyo si waafaqsan xeerka kalluumaysiga dawladda Puntland waxaa keliya oo bixin kara agaasimaha guud ee Wasaaradda Kalluumaysiga, sida uu qabo Xeerka kalluumaysiga dawladda Puntland cutubka 1-aad ee shati siinta gaadiidka kalluumaysi ee wadaniga ah, qodobka 49-aad farqadiisa 1-aad

Qodobka 8-aad

Muddada ay Shatiyada Kalluumaysigu Ansaxa yihiin

Shatiyada kalluumaysiga ee la siiyo gaadiidka wadaniga ah, kuwa la wadaago iyo kuwa qalaad, hadii aan lala laaban ama aan la joojin, waxay ansax ahaanayaan muddooyinka lagu cayimay Jadwalka Labaad ee loo qararay hababka kalluumaysi ee kala duwan.

Qodobka 9-aad

Tirada safar Kalluumaysi ee la oggol yahay Muddada Shatigu Ansaxa yahay

Gaadiidka adeegsada jiidmada, jilbaha dejiska, shaayadaha, jeestada iyo sidoo kale gaadiidka gata kalluunka ee ka hawl gala badaha Puntland ee la siiyey shatiyadu waxay samayn karaan hal safar kalluumaysi oo kaliya inta lagu gudo jiro muddooyinka loo qararay shatiyadooda ee ku cayamin Jadwalka Labaad.

Qodobka 10-aad

Ruqsadaha Gaadiidka Taakulaynta

Qofna kama shaqaysiin karo umana adeegsan karo gaadiidka taakulaynta howlo kalluumaysiga la xiriira oo uu fuliyo gaadiid kalluumaysi oo qalaad ama mid la wadaago, iyada oo uusan horey u haysan ogolaansho qoraal ah oo uu bixiyay Wasiirku isla markaasna waafaqsan Xeerka kalluumaysiga Puntland.

Qodobka 11-aad

Wakiilada Gaadiidka Kalluumaysiga Qalaad iyo Kuwa la Wadaago

Maamulayaasha gaadiidka daneeynaya in ay ka kalluumasytaan badaha Puntland waa in ay magacowdaan ayna leeyihiin wakiill wadani ah oo ka diiwaan gashan Wasaaradda, kaas oo awood u leh in uu ogaado ama ka jawaabo arrimaha sharciyan khuseeya gaadiidkooda, iyada oo ay ku jirto maareynta gaadiidka marka uu joogo dekedda. Xiriir, xog, dukumiinti, codsi ama jawaab kasta oo ku socota ama ka imaanaysa wakiilkaas, waxaa loo tixgalinayaa in ay si buuxda u ogyihiin mulkiilayaashu iyo maamulayaasha gaadiidku.

Qodobka 12-aad
Shuruudaha Shatiyada Kalluumaysiga

Shatiyada kalluumaysi ee la siiyo gaadiidka maxaliga ah, kuwa qalaad iyo kuwa la wadaago, waxay ku xiran yihiin shuruudaha ku lifaaqan shatiga. Ka baaqsashada in la fuliyo shuruudahaasi waxay horseedi doonaan joojinta ama baabi'inta shatiga iyo xayiraado dheraad ah oo la xiriira siinta shatiyo mustaqbalka looga howlgalo badaha Puntland.

Qodobka 13-aad
Naakhuude Ama Mulkiile

Naakhuude ama Mulkiile kasta oo gaadiid kalluumaysi ee ajnebi, la wadaago ama wadani ah haddii uu ku gefo xeerkan waxaa loo raacayaa ganaaxa ku xusan Xeerka Kalluumaysiga Puntland.

Qodobka 14-aad
Burin

Waxaa la buriyey Xeer kasta oo ka horimanaya ama la socon karin Xeerkan

Qodobka 15-aad
Dhaqangalka Xeerka

Xeerkani wuxuu dhaqangelayaa markuu Golaha Wakiilladu ansixiyo, Madaxweynaha Dawladda Puntland saxiixo, laguna soo saaro Faafinta Rasmiga ah ee Dawladda Puntland.


DR. Cabdiweli Maxamed Cali Gaas

Madaxweynaha Dawladda Puntland

XEERKA KHIDMADAHA IYO UJUUROOYINKA KALLUUMAYSIGA 2016

**JADWALLADA
JADWALKA KOOWAAD**

Codsiga Shatiyada Kalluumaysiga Gaadiidka Maxaliga, Kuwa la wadaado iyo Kuwa Qalaad

Ku: Wasaarada Kalluumaysiga iyo Khayraadka Badda, Dowlada Puntland ee Soomaaliya.

Aniga oo ah qofka hoos ku saxiixan waxaan halkaan ku codsanayaa shati kalluumaysi si aan uga kalluumaysto badaha Dowlada Puntland ee Soomaaliya.

1. Magaca Mulkiilaha _____
2. Cinwaanka mulkiilaha _____
3. Magaca wakiilka Maxaliga ah ee Puntland _____
4. Cinwaanka wakiilka Maxaliga ah ee Puntland _____
5. Magaca gaadiidka _____
6. Nooca gaadiidka _____
7. Dekedda uu ka diiwaan gashan yahay _____
8. Calanka uu sito _____
9. Lambarka diiwaangalinta _____
10. Lambarka IMO _____
11. Meesha iyo sanadka la sameeyay _____
12. Samayska qalfoofka _____
13. Dhererka guud ee gaadiidka _____
14. Guud ahaan balaca gaadiidka _____
15. Dhererka dhinaca iyo dekhelka (Moulded depth and beam) _____
16. Tanka guud ee gaadiidka _____
17. Tanka saafiga ah ee gaadiidka _____
18. Matoorka wayn iyo kheyilka (HP) _____
19. Qaadka khanka _____
20. Tanka uu qaadi karo _____
 - a. Nooca qaboojiyaha, awooddiisa, lambarka _____
 - b. Tanka khanka kalluunka _____
21. Shaqaalaha markabka (liiska magacyadooda, dhalashadooda, Baasaboorradda) _____
22. Saldhigga shaqo (dekeddiisa) _____
23. Tilmaamaha gaadiidka _____
24. Calaamadda wicidda raadiyaha ee caalamiga _____
25. Mowjadda _____
26. Nooca iyo lambarrada isgaarsiinta gaadiidka _____
27. Nooca hawl galka kalluumaysiga _____
28. Sifaha qalabka kalluumaysiga:
 - a. Noocyada _____
 - b. Tilmaamaha qalabka kalluumaysiga _____
 - c. Tirada _____
29. Noocyada kalluun ee la rabo in la qabsado _____
30. Mudada shatiga la codsanayo _____
31. Waqtiga la bilaabay hawl galka kalluumaysiga _____
32. Hadii ay horay Puntland kuu siisay shati, sheeg lambarka shatiga aad haysto _____
33. Faahfaahinta shati kalluumaysi oo shaqaynaya oo ay bixisay dowlad kale:
 - a. Wadanka shatiga bixiyay _____
 - b. foomka iyo lambarka _____

- c. Mudada uu ansaxa yahay _____
- d. Aagag gaar ah _____
- e. Noocyada kalluunka ee loo oggol yahay _____
34. Faahfaahinta qalabka isgaarsiinta iyo elektroonikada ah ee saaran gaadiidka:
- a. Radio _____
- b. Auto Pilot _____
- c. Echo sounder _____
- d. Sonar _____
- e. Lonar _____
- f. Radar _____
- g. Direction finder _____
- h. Decca navigator _____
- i. Type of Vessel Monitoring System installed _____
- j. Satellite phone _____
- k. Wixii kale (sheeg) _____
35. Ku lifaaq sawirka ugu danbeeyay ee gaadiidka oo muujinayo dhamaan calaamadaha loo baahanyahay.
36. Sheeg hadii uu mulkiilahu ama shirkaddu uu/ay musallifay ama ay ku socoto waddan kale maxakamdayn ee la xiriirta musallifnimo _____
37. Sheeg hadii mulkiilaha, maamulaha ama gaadiidku ku lug-laahaayeen jabinta sharciyada dowlada Puntland ee Soomaaliya.
38. Gaadiidkaan kor lagu soo qeexay inta uu magacaan iyo calankaan watay, ama intuu watey magacyo ama calammo kuwa uu hadda wato ka horreeyey, ma la gala laabtay ama laga joojiyey ruqsad ama shati saddexdii sano ee danbeeyey? HAA _____ MAYA _____

Hadii ay jawaabtaadu haa tahay, ku soo lifaaq halkaan warqad gaar ah oo aad ku soo taxayso duruufaha ku xeeran xaalad kasta, kuna dar sharaxaad ku saabsan xaaladdii joojintii ama kala laabashadii shatigu hadda halka ay marayso.

Caddayn

Waxaan cadaynayaa tilmaamaha kor ku xusan in ay yihiin kuwo sax ah, waxaana ballan qaadayaa in aan u hogaansamo qodobbada Xeerarka Kalluumaysiga Puntland iyo Soomaaliya; ammarrada saraakiisha Wasaaradda iyo hey'adaha nabadgelyada, socdaalka, caafimaadka, dab demiska, canshuuraha, iwm.

Magaca codsadhaha _____

Cadee hadii aad mulkiile, Maamule ama wakiil tahay _____

Saxiixa codsadhaha _____

Tariikhda _____

Digniin

Shati kasta oo lagu bixiyay macluumaadka ku qoran foomka codsigaan waa la tirtirayaa haddii macluumaadku noqdo mid aan sax ahayn.

Dukumiintiyo dheeraad ah oo lala soo gudbinayo Foomka codsigaan:

1. Nuqul shahaadada (calanka) diiwaangalinta gaadiidka
2. Nuqul shahaadada isbakhshinka doonta badbaadada iyo qalabka lagu dejiyo (Life Raft & Hydrostatic Release Gear) oo aan dhicin;
3. Nuqul shahaadada isbakhshinka dab demiska gacanta lagu qaato;
4. Nuqul shahaadada caymiska qalfoofka (hull);
5. Nuqul shahaadada shatiga raadiyaha oo aan dhicin;
6. Liis buuxa oo muujinya magacyada, dhalashada, iyo baasboorrada shaqaalaha gaadiidka;
7. Foomka diiwaan gelinta qalabka dabagalka gaadiidka (Vessel Monitoring System) oo la soo buuxiyey.

Xeerka Khidmadaha iyo Ujuurooyinka Kalluumaysiga

**JADWALKA LABAAD
KHIDMADAHA SHATIYADA KALLUUMAYSIGA**

Qeybta 1: Khidmada Shatiyada Doonyaha Kalluumaysiga Maxalliga ah, Kuwa Qalaad iyo Kuwa la Wadaago

S/No	Nooca Gaadiidka	Habka Kalluumaysiga	Tanka	Gaadiid Wadaniga ah	Gaadiid la Wadaago	Gaadiid Qalaad	Muddada Shatiga
1	Doonyaha Nooca Yemeniyiinta	Shabaagaha Jiidmada	Qaadka khanka kalluunka (QKK)	US\$100/ton	US\$200/ton	US\$300/ton	45 maalmood
		Shaayadaha		US\$100/ton	US\$200/ton	US\$300/ton	45 maalmood
		Jilbaha dejiska		US\$100/ton	US\$200/ton	US\$500/ton	45 maalmood
2	Doonyaha Nooca Iraaniyiinta	Shabaagaha Jiidmada	≥75 tons (QKK)	US\$100/ton	US\$300/ton	US\$400/ton	45 maalmood
3	Doonyaha Istilaamka	Gadanaya Kalluun	≤50 tons (QKK)	US\$30/ton	US\$50/ton	US\$100/ton	45 maalmood
4	Doonyaha Istilaamka	Gadanaya Kalluun	≥51 tons (QKK)	US\$40/ton	US\$60/ton	US\$150/ton	45 maalmood

XUSUUSIN:

- a) Khidmada shatiyada kalluumaysiga ee doonyaha adeegsada shabaagta jiidmada, shaayadda iyo jilbaha dejiska, iyo gaadiidka istilaamka ah waxaa lagu salaynayaa xisaab ahaan qaadka khankooda waxaana lagu dhufanaya tankiiba sida lagu muujiyey shaxdaan kore.

Qeybta 2aad. Khidmadaha Shatiyada Kalluumaysiga Maraakiibta wadaniga ah, Kuwa la Wadaago iyo kuwa qalaad.

S/No	Nooca Markabka	Habka Kallumaysi	Tanka	Gaadiid wadaniga ah	Gaadiid la Wadaago	Gaadiid Qalaad	Mudada Shatiga
1	Maraakiibta adeegsada jeestada	Jeesto	<350 GT	US\$15,000	US\$20,000	US\$25,000	3 Bilood
			351-550 GT	US\$20,000	US\$30,000	US\$30,000	3 Bilood
			551-750 GT	US\$20,000	US\$30,000	US\$30,000	3 Bilood
			>751 GT	US\$25,000	US\$35,000	US\$40,000	3 Bilood

XUSUUSIN:

Khidmada shatiyada kalluumaysiga ee maraakiibta adeegsada jeestada waxaa lagu salaynayaa xisaab ahaan tankooda guud waxaana laga qaadayaa qiime duuduub ah oo seddex bilood ah sida lagu muujiyey shaxdaan kore.

Qeybta 3aad. Ruqsadaha Iyo Shatiyada Kalluumaysiga ee Gaadiidka Taakulaynta iyo Kalluun Warshadeeyayaasha

S/No	Nooca gaadiidka	Habka kalluumaysi	Tanka	Gaadiid wadaniga ah	Gaadiid la wadaago	Gaadiidka Qalaad	Muddada shatiga
1	Kalluun warshadeeye	Ku jilaabanaya qalabkiis sida shabaago, gar-goorro, iwm	Qaadka khanka Kalluun	US\$100/ton	US\$300/ton	US\$600/ton	30 maalmood
2	Kalluun warshadeeye	Habaynaya kalluun gaadiid kale qabaty	-	US\$5,000	US\$10,000	US\$25,000	3 Bilood
3	Markabka sahayda	Sahay qaybin	-	US\$1,000	US\$2,000	US\$6,000	3 Bilood
4	Markab qaboojiyaha	Kala wareegaya kalluun markab kale	-	US\$1,000	US\$2,000	US\$3,000	Calaa Safar

XUSUUSIN:

b) Khidmada shatiyada kalluumaysiga ee kalluun warshadeeyayaasha u shaqaynaya sida istilaamka kuna jilaabanaya qalab kalluumaysi oo iyagu leeyihiin sida saxiimado, gar-goorro, shabaago, iwm waxaa lagu salaynayaa xisaab ahaan qaadka khankooda waxaana lagu dhufanayaa calaa tan sida lagu muujiyey shaxdaan kore.

T) Khidmada shatiyada kalluumaysiga ee kalluun warshadeeyayaasha habaynaya kalluun ay u keeneen gaadiidka wadaniga ah, kuwa la wadaago ama kuwa qalaad waxaa lagu salaynayaa xisaab ahaan qiime duuduub ah oo seddex bilood ah sida lagu muujiyey shaxdaan kore.

J) Khidmada ruqsadaha maraakiibta taakulaynta waxaa lagu salaynayaa xisaab ahaan qiime duuduub ah oo seddex bilood ah sida lagu muujiyey shaxdaan kore.

Qeybta 4aad: Kharashyo iyo Kordhin (Charges) Kale

- 1) Khidmada codsiga shatiga: US\$20/codsigiiba.
- 2) Diiwaan gelinta wakiillada wadaniga ah: US\$3,000/sannadkiiba
- 3) Khidmada rahaamadda buugga diiwaanka: US\$1000

XUSUUSIN

1. Khidmada ku xusan Qeybta 4aad ee Jadwalka 2aad ee Xeerkaan waa dakhli hoosaad u xeroonaya Wasaaradda
2. Rahaamadda buugga diiwaanka ee horey loo qaddimay, dib ayaa loogu celinayaa ka dib marka si munaasib ah loo soo buuxsho isla markaasna loo keeno Wasaaradda Buugga Diiwaanka iyo macluumaadka VMS.